



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nicolai Revsneri Ivrisconsvlti Insomniae, siue Noctes
Ivniae Entheae**

Reusner, Nikolaus

Lavingae, 1581

VD16 R 1436

XXVI. Christiani Reusneri, Christophori F. nepotis sui Epitaphium.

urn:nbn:de:bvb:12-bsb00027821-6

N. REUSNERI

XXIII.

Ad Paulum Fabricium

Med. & Mathem. Cæs.

*Tu ne cede malis: sed contra audentior ito:
Aeger ego mihi sic occino, PAVLE, diu
Crescit vis morbi, quantum fidentia mentis
Crescit: cor vegetum num minus ipse gerant
Absit, ut hoc faciam. patientia namque dolori
Optima sic cuius fit medicina malo.*

XXV.

Ad Christophorum Reu-

nerum Fr.

*Quod pravis bene sit, bonisque prave:
Frustra ringeris, eiulasque frustra.
Mundi sunt socia haud, Dei que regna:
Hic bonis bene fit, male sed illic.
Felix, cui male forsan hoc sub ævo est:
Ævo quò bene mox sit in futuro.*

XXVI.

Christiani Reusneri, Ch-

stophori F. nepotis sui Epitaphium.

*Dum Christianè, mi Nepos, te viuere
Opto: mori quò Christianè tu possis semel:
Sic CHRISTIANI nomen impono tibi.*

INSOMNIÆ.

*O spes inanes: sed spe plenas optima:
Quod Christianè mortuus mundo semel:
Iam Christianè cum Christo viuis diu:
Aeuo beatus sempiterno perfruens.*

XXVII.

Ad Ioan. Fichardum Iurisc.

*Vita quid est? nisi mors. nam dignos morte, FI-
(CHARDE,*

Vita facit. mors, est vita vocanda magis.

Mors hominem mortis pariter, morbiq̄ue periclis

Subtrahit: & vitæ certa fit arra nouæ.

XXVIII.

Ad Somnum.

Somme quies rerum: nos assuetudine mortem

Spernere, quum sis tu mortis imago, doces.

XXIX.

Ad Iacobum Maripetrum

Patr. Venetum.

Aut mors, aut mihi vita sit quieta:

Sic vulgus loquitur: sed illa vox est

Celebrator: Aut honesta vita,

Aut mors forsan honesta sit, IACOBE:

Plus hæc omnibus expetenda vitis.

Namque haud turpe mori: sed illa demum

B Mors